

東方圖書館紀略


東方圖書館復興委員會編印

東方圖書館紀略

目次


- 攝影
- 被燬前之東方圖書館
- 書庫
- 圖書閱覽室
- 雜誌閱覽室
- 兒童圖書室
- 被燬後之東方圖書館
- 被燬之書庫
- 被燬之圖書閱覽室及雜誌閱覽室
- 國聯調查團參觀被燬後之東方圖書館
- 二、成立概況
- 三、被燬情形
- 四、籌備復興
- 五、附錄
 - (一)東方圖書館復興委員會章程
 - (二)東方圖書館各地贊助委員會章程
 - (三)東方圖書館募集圖書章程
 - (四)東方圖書館之組織及捐助書籍之保管原則


館書圖方東之前燬被



40566 •


庫 書






室覽閱書圖

室覽閱誌雜






景外室書圖童兒



景內室書圖童兒



館書圖方東之後燬被



被燬之書庫



被燬之圖書閱覽室及雜誌閱覽室



館書圖方東之後燬被觀參日一十二月三年一十二於團查調聯國

東方圖書館紀略

成立概況

涵芬樓起源

商務印書館於前清光緒三十年購地于上海開北寶山路建築印刷製造總廠，其時張元濟氏任該館編譯所所長，即着手籌設圖書館，搜羅會稽徐氏、長洲蔣氏、太倉顧氏諸家散出藏書，以供編譯參考之用。此即名著中外之涵芬樓之濫觴。未幾清宗室盛氏、豐順丁氏、江陰繆氏諸家藏書散出，張氏又各購得數百種。圖書館規模至是略具。此後二十餘年間蒐求未輟。張氏每至北平必捆載而歸。估人持書叩門求售，苟未有者輒留之。即方志一門已得二千餘種。日本歐美名家撰述，暨歲出新書，積年藏弄，數亦非尠。

東方圖書館創設

商務印書館鑒于國內文化進步之遲滯，世界潮流之日新，認為有設立公開圖書館之必要；又以舊設涵芬樓經張氏二十年來肆志蒐羅，儲書達數十萬冊，規模已具；乃于民國十三年出資十一萬餘兩在總廠對面寶山路西特建五層鋼骨水泥大廈一座，移涵芬樓舊藏圖書實之，名曰東方圖書館，同時並聘編譯所所長王雲五氏為館長總理館務。此為東方圖書館由涵芬樓蛻化而出之情形也。

創設目的

至於商務印書館設立公開圖書館目的，張元濟氏在東方圖書館緣起中述之甚詳，其言曰：『今海內學者方倡多設圖書館補助教育之說。滬上為通商巨邑，天下行旅皆出其塗。費舍林立，四方學子負笈而至者無慮千萬，其有需於圖書館者甚亟。是雖權輿，未始不可為土壤細流之助。』



內容設備

東方圖書館屋凡五層：最上層為雜誌報章保存室及本版圖書保存室。四層為普通書庫，佔地四千六百方尺，置書架五十六排，共三百七十餘架，統長一萬四千八百餘尺，可容書四十餘萬冊。四層一部分及三層為善本室，內藏涵芬樓善本書及全國方志。二層為閱覽室，雜誌陳列室及事務室等。下層為流通部藏書室及事務室。館南空場為花園，其南建西式平房五間為附設兒童圖書館所在地。

普通圖書

東方圖書館所有藏書均係商務印書館歷年逐漸搜購，除其中涵芬樓一部份善本書係商務印書館寄存外，其餘悉數捐贈與本館，並將該館所有出版各書每種捐贈三份，以供本館公開閱覽及流通部之用。據東方圖書館統計，至民國二十年終止，實藏普通中文書二十六萬八千餘冊。外國文書東西文合計八萬餘冊，凡古今中外各科學術上必需參考書籍無不大致粗備。圖表照片五千餘種，內有羅馬教皇的康宮所藏明末唐王之太后王后王太子及其司禮監太監皈依天主教上教皇書之影片，係張元濟氏游羅馬時攜歸；又中國古畫十餘軸，亦張氏購入以供編輯考訂古代制度俗尚之用；此外如德英美諸國所出地質地圖，人體解剖圖，西洋歷史地圖，以及商務印書館出版各種古畫油畫及照片之原底，尤為不可勝數。

善本書

所藏善本書可分舊四部各書，方志及中外雜誌報章三大類，尤足珍貴。先就舊四部各書言，計有

經部	三五四種	二、九七三冊
史部	一、一一七種	一、一、八二〇冊
子部	一、〇〇〇種	九、五五五冊

集部

一、二七四種

一〇、七三五册

以上各書就版本言有如下表：

宋版	一二九種	二、五一四册
元版	一七九種	三、一二四册
明版	一、四四九種	一五、八三三册
清版	一三八種	三、〇三七册
抄本	一、四六〇種	七、七一二册
批校本	二八八種	二、一二六册
稿本	七一種	三五四册
雜本	三一種	三八三册

以上四部各版本書合計總數約三、七四五種，都三五、〇八三册。其中有五千餘册向寄存金城銀行庫中。此外並購進揚州何氏藏書約共四萬餘册，部別版本正在整理中。

方志

本館善本室中除藏有上述涵芬樓舊四部各書外，並藏有全國各省府廳州縣志整套，較國內任何圖書館所藏為備。茲為備學人參考起見，特據本館紀錄詳列如後：

直隸省

二三〇種

一、七九八册

盛京

二七種

一六〇册

吉林省

三種

五八册

黑龍江省

三種

一六册

山東省

一九四種

一、五九七册

河南省

一六〇種

一、二六八册

山西省

一九二種

一、四〇八册

安徽省

一七二種

二、〇八四册

江西省

一一五種

一、四二一册

福建省

二二一種

二、六二二册

浙江省

九五種

一、一九八册

湖北省

一八八種

二、四六六册

湖南省

一二二種

一、四六八册

陝西省

一一九種

一、五二四册

甘肅省

一三三種

七七六册

甘肅省

七七種

四五一册

新疆省

一種

三〇册

四川省

二二二種

一、七五四册

廣東省

一五九種

一、四八一册

廣西省

六七種

五七六册

雲南省

九一種

一、〇一〇册

貴州省

五〇種

五一六册

以上凡二十二省得方志二、六四一種，二五，六八二册；中有元本二種，明本一百三十九種。此中除省志齊全外，全國府廳州縣志應有二、〇八一種，本館已收一，七五三種，實已達全部百分八十四。搜羅賅備，蔚成巨觀，國內殆無倫匹。

西洋古籍

此外本館並藏有公元十五世紀前所印西洋古籍 (Incunabula) 多卷，為館長王雲五遊歷歐美時購歸，可稱珍品。

中外雜誌
報章

至本館所藏中外雜誌報章亦極完備。例如荷蘭出版之通報 (Tung Pao)，英國亞洲文會所出版之學報 (Journal of the North China Branch of the Royal Asiatic Society)，德國出版之大亞洲 (Asia Major) 及中國 (Sincis) 等雜誌，皆為研究吾國國故者必讀之書，無不備有全份。此外又有福州及上海出版之教務雜誌 (Chinese Recorder) 及公元一八三二年至一八五一年間香港出版久已絕版之中國彙報

(Chinese Repository) 英國出版之哲學評論 (Philosophical Review) 愛丁堡評論 (Edinburgh Review) 等雜誌全份，尤為難得珍本。本館所藏各種科學雜誌甚多，而以出版已達一百餘年之德國李比希化學雜誌 (Liebig's Annalen der Chemie Und Pharmacie) 初版全套，始為遠東唯一孤本，最為名貴。

至於本國出版之日報如上海之時報、神州日報、民國日報、天津之大公報、益世報，以及清末光宣之際與京報並行之諭摺彙存，均藏有全份。上海之中報、新聞報，本館所藏亦均各達三十餘年以上。本國雜誌之備有全份者為著名之外交報、新民叢報及國聞週報，以及二十九年來商務印書館自出之東方雜誌及其他雜誌。搜集保存均非易事。

藏書統計

以上普通善本各書除圖表照片外，總數已達四六三、〇八三冊之多。就吾人所知，吾國各公衆圖書館藏書之富，在當時殆以東方圖書館為首，國人推為我國東南圖書館巨擘，新聞報二月三日實非過譽。

公開閱覽

東方圖書館圖書布置既已就緒，為便利閱覽人起見，特採該館館長王雲五所定之圖書分類法及其所發明之四角號碼檢字法將所有藏書製成目錄卡片四十餘萬張以便檢查。民國十五年正式公開閱覽。各界人士赴該館閱覽者據民國十九年統計一年中已達三萬六千餘人。民國十八年該館更添設兒童圖書館，民國二十年復設流通部，以達服務社會初旨。

被燬情形

二十一年一月二十九日商務印書館總廠被日軍飛機擲彈焚燬其時即已有人傳言因火焰沖過馬路，東方圖書館亦遭殃及。申報一月三十日故當時上海市長吳鐵城談話中有『古籍孤本盡付一炬』之語。申報一月三十日電

迨二月一日晨八時許東方圖書館及商務印書館編譯所又復起火。頓時火勢燎原，紙灰飛揚。時事新報二月二日電

火冲天，遙望可見。大美晚報二月二日直至傍晚，此巍巍璀璨之五層大廈方焚燬一空。新聞報二月三日當時傳者莫不謂日本

浪人以商務印書館被燬猶以為未足，特再潛入東方圖書館縱火焚燒云。大公報二月二日東方圖書館三十

年來繼續搜羅所得之巨量中外圖書，極大部分之舊四部各善本書，積累多年之全部中外雜誌報章，全套

各省府廳州縣志，以及編譯所所藏各項參考書籍及文稿，至是盡化為劫灰。當時人以為此項損失至少當

在百萬金以上。新聞報二月三日實非臆測之詞。

遺址憑吊

時報記者於二月初旬赴開北視察時，見壯麗巍峨之商務印書館及東方圖書館已成瓦礫之場。『舉目北望，黯然心傷。』二月六日大美晚報記者亦於同時赴開北憑弔戰區，歸記其印象曰：

『東方圖書館之骷骨依然聳立於一片焦土中，其薰黑危牆抑若為慘酷破壞行為留一紀念之標幟。吾人徘徊其間，無數珍貴圖書頓時禁迴腦際。又誰料其一旦皆成戰神之犧牲乎，惜哉！』

二月十日

大陸報記者於三月初旬赴開北視察本館及東方圖書館遺址，亦不勝今昔之感。三月十一日同月下旬國際聯

10
42,820x
127

合會調查團李頓爵士等前往關北視察商務印書館及東方圖書館，登樓憑吊，無不嘆惜不置。申報三月二十二日字林西報記者於二月七日訪日本海軍司令鹽澤於出雲旗艦中，歸吾人曰：

『此短小人物固最近數日來火燒關北驚動世界之主動人也。然察其神色，竟似全不知有此事云。』二月八日

我國軍政要人通電

國內文化團體及政治機關通電

東方圖書館既被焚燬，國內外人士同深憤慨。中央委員孫科，孔祥熙，吳鐵城，程潛，李宗仁，顧孟餘，薛篤弼，劉廔隱，方振武，何世瑛，馬超俊，鄧家彥，褚民誼，李文範，傅汝霖，甘乃光，梁寒操，陳慶雲，陳友仁，張發奎，張知本，楊虎，王正廷，賀耀組，范予遂，孫鏡亞，熊克武，書生智，湯燕巖，陳嘉祐，張靜江，黃季陸，桂崇基，張羣，經亨頌等於二月四日通電全國謂日本對我國『交通文化教育機關，輒付一炬，』既激同胞公憤，且失世界同情，應即一致奮起，共救危亡。時事新報二月五日第十九路軍軍長蔣廷黻向兵士訓話時亦謂日人焚燬我文化機關，凡我軍人均宜英勇前進，打倒壓迫欺侮我國之敵人。新聞報二月十三日

同時南京重要文化團體及教育機關如中央研究院，中央大學，中央政治學校，金陵大學，世界學會，中國科學社，中國工程師學會，合作學社，金陵女子文理學院，首都新聞記者聯合會，江甯律師公會等於二月四日以日本焚燬我文化機關慘無人道，特電世界各國民眾宣布日本暴行，並請主持公道予以制止。大公報二月九日國民政府行政院院長汪精衛於二月二十日通電全國謂日軍擊燬吾國文化教育機關，殺戮吾國無辜民眾及婦孺，望舉國一致以最大決心為長期奮鬥。時事新報號外二月二十二日上海律師公會於二月二十五日通電國

上海英美
教士宣言

際聯合會，各國國會及律師，稱日人賊虐婦孺，殘殺市民，夷滅實業文化機關，實足賊文明而蓋人類。用特大聲疾呼，廣求大地同情。甲報二月二十六日北平學術界中人胡適，蔣夢麟，丁文江，翁文灝，傅斯年，梅貽琦，袁同禮，陶孟和，陳衡哲，任鴻雋諸人電謝美國哈佛大學校長羅威爾向胡佛總統建議對日經濟制裁時，亦謂日人炸燬中國民居及文化機關，損失極鉅。希望參加各公約簽字國家採取有效行動，以維世界和平。大公報二月二十七日

上海英美籍基督教傳教士一百〇五人於二月十二日發表聯名簽字宣言，認日軍以飛機炸彈大砲之助，進佔中國領土，破壞繁盛市區，為窮兵黷武之瘋狂。並謂：『全中國教育界所託命之商務印書館及其藏有多量無價典籍之東方圖書館均先後被日人炸燬。』應請普世同道及全世界人民羣起敦促政府制止日人暴行。原文見二月二十一日字林西報與同日新報等報所譯文略有不符茲依原文直譯

上海學術
界通電

上海各大學聯合會主席於二月初旬致電國際聯合會及世界各國教育部告以：

『日本自一月二十八夜以來，繼續用飛機轟炸華界無辜民衆；焚燬商務印書館，東方圖書館，粵商醫院，及其他教堂學校；捕禁牧師教士學生。持志學院校役全被殺戮，校舍全被焚毀。特以公平人道名義，請求力制日人暴行。』字林西報二月八日

上海中國著作會於二月下旬致書全世界著作及文化團體，宣布日本種種暴行，並謂：

『商務印書館為中國最大出版機關，東方圖書館為上海華人所設最大圖書館，均遭日人砲毀，僅存瓦礫。』

特要求全世界著作者思想家文學家及一切文化團體一致興起，共同奮鬥。時事新報三月三日此外如比利時前首相

樊迪文對於日人毀壞上海各大學及東方圖書館亦深致痛惜。時事新報三月九日

教育部及
部長慰問

國民政府教育部自得商務印書館及東方圖書館等被毀消息後，先於二月十一日由次長代理部務段錫朋專電慰問，中有：

『滬上日人暴行，商務印書館暨東方圖書館同罹浩劫。我國文化機關橫遭摧毀，聞訊之下，惋惜彌深。』

之語。大公報二月十二日部長朱家驊復於二月二十日就職來電本館慰問謂：

『日寇侵佔我土地，慘殺我同胞，並摧殘我文化機關，至令該館亦罹兵禍。聞訊之餘，痛憤交並。』
時事新報二月二十二日

中華基督
徒救國會
等宣言

三月十四日國際聯合會調查團李頓爵士等抵滬之日，中華基督徒救國會發表宣言謂：

『日本暴軍所至，無惡不爲。頓使文化中心悉被炸毀，商店民居盡成灰燼，無辜民衆辱遭慘殺。同道蒙難，事實俱在。』

尙望海內信徒，國外同道，團結一致，奮勇直前，掃除強暴，促進和平。時事新報三月十五日上海圖書館專家五十餘人亦

於同時函致該調查團略謂：中國自受日軍蹂躪以來，東三省及上海附近生命財產損失甚鉅，而尤以商務印書館附設東方圖書館等之破壞爲甚。珍籍孤本皆成劫灰。此不僅所有者與中國之損失，蓋亦全世界之

上海市長
演詞

損失也。日本人應獨負責任。希望報告國際聯合會採取有效方法，制止日人暴行。字林西報三月十七日

上海市長吳鐵城對於商務印書館及東方圖書館被毀迭次發表談話與通電表示痛惜，前已述及。

三月十五日晚美國祭聯合會調查團時，復於歡迎詞中作下述之語：

『日本對我並未宣戰，然北江灣一帶千萬間之厦屋皆已夷為平地，文化機關如商務印書館、

東方圖書館及多數大學皆被日軍率意視為飛機野炮及縱火之目標。世人所認為文化基礎之

原則破壞無餘，而日本自己所簽訂之條約亦撕毀已盡。』申報三月十六日

同時中外輿論對於東方圖書館被焚又一再致其惋惜憤慨之意。大陸報既於二月四日稱：

『商務印書館及東方圖書館之被燬蓋一種非金錢所可勝計之文化的損失也。』

大美晚報既於二月二日稱：

『東方圖書館為中國最大最完備之圖書館。內藏舊籍孤本價值甚鉅，故其損失非金錢可計。論

者多謂此館之燬，非金錢上損失，乃文化上損失也。』

復於次日著論以悼之，其言曰：

『東方圖書館被毀損失雖專家亦不能計算之，蓋非金錢數目所能計算也。一言以蔽之，即世界

文化上財富從此亡其不可復得之重要部分而已。

『該館被燬有謂原於日本「浪人」之縱火，有謂原於總廠餘燼之延燒。

『無論如何，此種忍心破壞責任應由日本負之，殆無疑義。蓋此種行為實為豪奪他人權利財產之全部妄動之一部分也。』

『此種寶藏不可復得矣，無辜人民之慘死於野蠻飛機擲彈者不可復生矣。然至少世界人士當可恍然於日本自負為中國監護人者其實際何若。』

『華北明星之評論亦頗憤慨，其言曰：』

『吾人試觀日人用最新式武器所成就者究有幾何？』

『炸燬商務印書館及其價值千百萬元之東方圖書館，自以為從此可以永遠斷絕中國學生之愛國行為及中國國民之反日運動。』

『不意自誇為世界列強之一，國際聯合會會員之一，世界文明國家之一之日本竟如此作戰也！』

大公報二月二十四日

中國輿論

大公報於二月二日認焚燬東方圖書館者為「文化之大敵」，申報亦於二月六日認東方圖書館之被燬為摧殘文化之行爲。申報報既於二月三日謂：

『我國唯一文化機關商務印書館已不幸焚燬於暴日炸彈之下矣，差幸東方圖書館尚未波及。不料昨日該館又被日浪人縱火焚燬。此誠我東方文化之浩劫矣！』

復於二月二十一日著論駁日本代表在日內瓦之妄言時謂：

『日軍之保僑者以大炮炸彈轟擊閘北居民，且縱火焚燬商務印書館及東方圖書館等處，使繁盛之區化為焦土。豈此等建築物之毀壞，日本利益即可得保障乎？』

時事新報既於二月二日稱：

『該館收藏宏富爲我國唯一完善之圖書館。今茲遭劫，至足痛惜。』

復於三月十六日著論請國聯調奪鑑賞野蠻之奇蹟謂：

『上海戰事之壯烈，乃任何兩文明國軍隊交戰時當然之現象。而附帶之野蠻殘酷則爲我國與諸友邦所不能想像。繁盛市塵付之一炬，姑不置論。當交戰之初，商務印書館先爲炮火之目標。其後東方圖書館，國立勞動大學，國立同濟大學，國立暨南大學，國立中央大學商學院，省立水產學校，私立中國公學，私立持志大學，私立法學院以及若干中小學若干醫院，相繼轟毀。察當時軍事情形，絕無破壞此種建築之必要。且大都破壞之於戰事不甚緊張之時日，利用偶然之餘閒，不自愛惜其戰時最可珍貴之彈藥，悍然摧毀之，唯恐不盡者，其處心積慮，可供調查團諸君暨全世界人十深長思者也。』

『調查團諸君其親履其地，試鑑賞此野蠻之奇蹟乎？殘垣斷壁，瓦礫遍地，若者乃我國唯一之出版事業，全國學校之教科書所由取給者也。若者乃我國收藏最富善本最多之私立而公開之圖書館，其圖書五十餘萬冊之灰燼也。若者若者乃平時我國萬餘青年學子埋頭苦讀之所，今則爲圖書儀器葬身之所也。』

籌備復興

商務印書館於上年復業後，深感東方圖書館之被燬影響於社會文化者至鉅，恢復東方圖書館實不容緩。該館董事會爰於本年四月五日議決每年結賬如有盈餘除提公積金及股息外，其照章劃歸公益金之部分提撥三分之一作為恢復東方圖書館之用（上年度實撥洋四萬五千三百八十七元零六分並由張菊生先生個人捐洋一萬元）並於四月廿九日議決組織東方圖書館復興委員會，訂定章程（附錄一）並聘請胡適之、蔡子民、陳光甫、張菊生、王雲五、五君為委員。

東方圖書館復興委員會於本年六月七日開第一次會議，公推張菊生君為主席，蔡子民、王雲五二君為常務委員，聘任潘光迺君為書記，並議決依照委員會章程第四條，推定 Dr. E. Gale (蓋樂，美國人)、Professor Dr. W. Othmer (歐特曼，德國人)、C. J. Chancellor (張雪樓，英國人)、I. Lion (李榮，法國人) 為委員，請商務印書館董事會照章聘任，於同月十三日經商務印書館董事會議決照辦。

本年六月十七日復興委員會開第二次會議，議定各地贊助委員會章程（附錄二）及募集圖書章程（附錄三），並議決組織英法德美四國贊助委員會，推定張雪樓君籌備組織英國贊助委員會，李榮君籌備組織法國贊助委員會，歐特曼籌備組織德國贊助委員會，蓋樂君籌備組織美國贊助委員會，又議決組織南京、杭州、北平、廣州、濟南、漢口、長沙七處贊助委員會，每處先聘一人為提名委員。

商務印書館董事會於本年八月三十一日議訂東方圖書館之組織及捐助書籍之保管原則（附錄四），並致函復興委員會，聲明對於東方圖書館捐募之一切財物，決不認為已有財產之一部。

附錄

東方圖書館復興委員會章程

東方圖書館各地贊助委員會章程

東方圖書館募集圖書章程

東方圖書館之組織及捐助書籍之保管原則

東方圖書館紀略

東方圖書館復興委員會章程

二十二年四月二十九日
商務印書館董事會議決

第一條 本委員會受商務印書館董事會之委託主持東方圖書館復興事宜

第二條 本委員會之職權如左

- (一) 計畫及籌備東方圖書館之復興
- (二) 使用東方圖書館基金復興東方圖書館
- (三) 爲東方圖書館募捐書籍財物
- (四) 爲東方圖書館規定適當辦法以其藏書供公眾之閱覽
- (五) 爲商務印書館保管東方圖書館財產

第三條 本委員會設委員五人至九人由商務印書館董事會就董事及中外學術界實業界中聘任之

第四條 第一屆委員會先由商務印書館董事會聘請委員五人組織之其餘委員由委員會推定後經商務印書館董事會之同意仍由商務印書館董事會聘任之

第五條 委員任期至東方圖書館正式成立公開時爲止但成立公開之時在三年以後者滿三年時依第四條之規定由商務印書館董事會另行聘任連聘者連任

第六條 委員在任期內辭職或不能任職時原由商務印書館董事會進行聘任者仍由商務印書館董事

會進行補聘之其原由委員會推定後再由商務印書館董事會聘任者仍按原定辦法補聘之

第七條 本委員會設主席一人常務委員二人由委員互選之

第八條 本委員會爲募捐書籍之便利得於中外重要地點各組織一贊助委員會其組織及章程由本委員會規定之

第九條 各地贊助委員會委員由本委員會推選聘任之

第十條 本章程未經規定之事由本委員會與商務印書館董事會協商辦理之

第十一條 本章程由商務印書館董事會訂定修改時亦同

東方圖書館各地贊助委員會章程

二十二年六月十七日
復興委員會議決

- 一 本委員會依東方圖書館復興委員會第八條及第九條之規定組織之
- 二 本委員會之職權如左
 - 甲 代表復興委員會爲東方圖書館捐募書籍
 - 乙 備復興委員會之顧問
 - 丙 在預算範圍內支付必需之款項
- 三 本委員會設委員三人至十五人由復興委員會就中外學術界實業界中聘任之
- 四 本委員會先由復興委員會聘請委員若干人組織之其餘委員由已聘定之委員提名經復興委員會之同意仍由復興委員會聘任之
- 五 本委員會委員任期至東方圖書館正式成立公開時爲止
- 六 本委員會期滿解散時由復興委員會敬致名譽之感謝
- 七 本委員會設主席一人常務委員一人至二人由委員互選之
- 八 本委員會募得書籍先行出具臨時收據俟復興委員會點收後再由復興委員會出具正式收據
- 九 本委員會募得書籍由復興委員會負責保管之責專供東方圖書館公開閱覽之用

- 十 本委員會應將募捐書籍成績每月終向復興委員會報告一次
- 十一 本委員會爲通信及寄遞書籍所需費用得開具預算提交復興委員會通過後撥給之
- 十二 本委員會應將一切開支每月終向復興委員會報告一次
- 十三 本章程未經規定之事由本委員會與復興委員會協商辦理之
- 十四 本章程由復興委員會訂定修改時亦同

東方圖書館募集圖書章程

二十二年六月十七日
復興委員會議決

- 一 東方圖書館募集圖書分爲捐贈及定期借用兩種
- 二 募捐圖書包括中外新舊圖書雜誌報章碑帖等
- 三 捐贈之圖書其所有權完全屬於東方圖書館
- 四 定期借用之圖書其所有權仍屬於借與人並於書面特別標明以示區別
- 五 東方圖書館應將所有捐贈及借用圖書專供公開閱覽
- 六 募集圖書除上海一地由復興委員會直接辦理外其他各地均由各該地贊助委員會辦理之
- 七 除借用圖書應由各地贊助委員會商得復興委員會同意再行接受外所有捐贈之圖書得由各地贊助委員會逕行接受
- 八 所有捐贈及借用圖書於決定接受後均先由各該地贊助委員會出具臨時收據俟復興委員會點收後再出具正式收據
- 九 正式收據應由復興委員會主席及常務委員一人簽字
- 十 所有捐贈及借用圖書於正式收據發出後即由復興委員會負保管之責
- 十一 各地捐贈或借用圖書所需運輸費用得由復興委員會擔任但其寄遞之法應由各該地贊助委員會

於事前與復興委員會商定

三 復興委員會應在上海籌設藏書室爲臨時保管之用

三 各書經復興委員會點收後應即保火險

三 捐贈或借用圖書之人由復興委員會以適當方法表示感謝

三 復興委員會應將募集圖書情形無定期刊行報告但每年至少兩次

六 本章程由復興委員會議決修改時亦同

東方圖書館之組織及捐助書籍之保管原則

二十二年八月三十一日
商務印書館董事會議決

- 一 東方圖書館設理事會及監察會
- 二 前項理事會在東方圖書館復興前以東方圖書館復興委員會代行其職權
- 三 理事會受商務印書館董事會之委託處理東方圖書館一切事務
- 四 監察會受各地方贊助委員會之委託監察各贊助委員會爲東方圖書館募捐之書籍永供公開閱覽不使任何人作其他之處分
- 五 理事會由商務印書館董事會選聘若干人組織之理事任期若干年期滿另行選聘
- 六 監察會由各地方贊助委員會選聘九人組織之每二年更選三分之一第一次由監察會抽籤決定任
- 七 期期滿由監察會公同票選連選得連任
- 八 前項監察以住居上海及其附近地方者爲原則不限國籍由東方圖書館理事會提出三倍於定額之候補人由各地方贊助委員會票選之但各地方贊助委員會得於候補人外另行選舉
- 九 監察辭職或不能任職時由其他監察公同選舉補充之
- 十 監察會章程由東方圖書館理事會起草提交各地方贊助委員會通過後施行之
- 十一 東方圖書館萬一因意外事故而停辦時除屬於商務印書館捐助之財產書籍由理事
- 十二 財產書籍由監察會議決改捐於中國境內之其他公立圖書館



#1
tequil

0

509 006